

Aug. 3025



D E  
APOSTASIA á RELIGIONE  
QVÆSTIO

Fr. CAROLI TIRELLI Ord. Ere-  
mit. S. Aug. Brunæ Professi Sacræ Theo-  
logiæ Doctoris.

Ad Sacram Regiam Maiestatem  
Poloniæ, ac Sueciæ, &c.

VLADISLAVM IV.

Pro sua Religione iam secundo  
Delegati.

G R A T I A

*Illustriss. atque Reuerendiss. Domini,*

D. MARI FILONARDI

ROMANI Archiepiscopi Auenionensis,

Ad eandem S. Regiam Maiestatem Apostolicæ Sedis

LEGATI INNIXA.

*Superiorum Permissu.*

---

C R A C O V I Æ,

*In Officina Christophori Schedelij, S. R. M. Typogr.*

*Anno Domini, 1641.*



Aug. 30 25

Bibl. Jag.

D  
A  
V



for  
Au  
Fa



III III III III

*Illustriss. atque Reuerendiss. Dño,*

D. MARIO FILONARDO

ROMANO Archiepiscopo Aueniòniensi,

Ad Sacram Regiam Maiestatem

Poloniæ, & Sueciæ, &c.

VLADISLAVM IV.

APOSTOLICÆ SEDIS

LEGATO.

Domino meo, ac Patrono Singulariss.




SOCRATIS, *Primorum*  
*illorum Græciæ sapientum* Oratio  
facile PRINCIPIS, *exti-* prima.  
*tit sententia; nihil præ-*  
*ter id dicendum, quod aut*  
*scitu certum, aut Dictu*  
*foret necessarium. Tanti Viri innixus ego*  
*Authoritate, Hanc QVÆSTIONEM peperit.*  
*Fortunè legitimè quidem Conceptum, Quem*  
X 2 intra





*intra Viscera mea Animatum, Obstetricum  
cognito approbavit, Necessariò indè Nasci-  
turum, ad eorum Vota irrita facienda,  
Qui ingeniosissimis propinatis calicibus, ab-  
ortuum reddere, imò (delusi) etiam in ipso  
vitæ suæ initio suffocare eum elaborarunt.  
Prodiit tandem. Verum ità circumplica-  
tus paterni Genij defectibus, ut cum neq; bal-  
butire, neq; prorepere valeat, dubitandum,  
mibi sit (mammis præcanitie deficientibus) i-  
psum non modò sapientia, sed nè quidem æta-  
te profecturum. Ea de re ad pedes tuos ego de-  
uolutus, Hunc (Grandium cibo indigentem)  
Tibi Archiantistitum summo, offero. Quem  
si ad genna Tua erectum, miserationeq; Tua  
dignum, inter cæteros Tuos Clientes educan-  
dum suscipi conspexero, certò mihi persuasum  
volo, tantum incrementi, virium, atq; ho-  
noris penes se acquisiturum, quantum ad fu-  
turas insidias, (si quæ supererint) demolien-  
das, poterit esse satis. Neminem enim puto*  
Cym-





Cymbro illo posse barbariorem inueniri, Qui  
neglecta **MARII** voce, Hunc necare adhuc  
magis sibi licitum fore, quam profugere lon-  
gius existimet. Siquidem ex oculis Tuis, non  
modò flammæ emicare conspicio; verumeti-  
am Tantos ex Antiquo Tuo inclito Romano-  
rum **STEMMATE** splendores, ut Qui apud  
eosdem domi, forisq; per Praeclara rerum ge-  
starum Facinora, diffusi, Ecclesiasticam o-  
mnem Dignitatem circumeuntes, spectabi-  
lem, summumq; **EMINENTIÆ** Culmen Ful-  
gentissimum reddidère; ità sedandis ferocien-  
tibus animis, imò deuinciendis, in Tuiq; ob-  
sequium captiuandis, mihi pro comperto sit,  
virtutem habituros. Tantam itaq; nactus  
Fortunam, (ut Quid Gloriæ **NOMINI** Tuo  
addictum iri comprehendas?) **PATREM** Te  
(quo apud Homines, atq; Superos, nullum  
honorificentius suppeditat **OMEN**) appella-  
bit. Plus enim Tibi, quàm mihi debebit,  
quod Ego quidem illi Vitam dederim, **Tu** au-





tem, & mihi, & illi, ambobus in tutelam  
susceptis, salutem tuleris. Animi mei Vni-  
cum hoc argumentum est, meam in TE reue-  
rentiam exprimens, TVAQUE in me Offi-  
cia, dignissimo PARENTIS Titulo, com-  
plectens. Deus TE Ecclesie suae sanctae, diu  
incolumem seruet. Dat: Craconiae Die 28.  
Maij. Anno ab effracto serpentis capite  
MDCXXXI.

Illustrissimæ, atq; Reuerendiss. Dominationis  
Tuæ

Seruus humilis, ac deuictus  
Fratr Carolus Tirellus.



*Approbationes.*

**R**euereudi Patris Magistri Caroli Tirelli de Bruna  
Ord. Er. D. P. Aug. Tractatulum de Apostasia, e-  
go infra scriptus legi, & attentè consideraui, excom-  
missione Reuerendissimi Patris Magistri Hieronymi  
Rigellij Cornetani Generalis eiusdem Ord. & nihil in  
eo reperij, quod illius obster impressioni, quinimò  
impressione dignum censeo. Datum Sigilli die 10.  
Decemb. 1634.

*Ita est Magister Frater Fulgentius Petrellus Sigilli  
August.*

**R**euereudissimo Patre Magistro Hieronymo Rigel-  
lio de Corneto, Vniuersi Ord. Er. D. P. Aug. Prio-  
re Generali mandante, opusculum de Apostasia, Re-  
uerendo Patre Magistro Carolo Tirello Brunense  
Coeremita Authore, legi sedulò, & dignum in lucem  
exire censui, Ego Frater Leonardus Valentinus Cæ-  
senas Patauini Gymnasij Magister Regens; Datum  
Patauij die 16. Aug. 1634.



**Q**Væstio de Apostasia à Religione, à Reuerendo  
Patre Magistro Carolo Tirello de Bruna Ord. S.  
Augustini iuxta consentientem Canonistarum do-  
ctrinam resoluta, vt possit typis mandari, Ego Iaco-  
bus Vstiensis S. Th. & I. V. Doctor, nec non per Dicc-  
cesim Cracouien. Ordinarius Librorum censor con-  
cedo facultatem.

DE APO-



tia  
rel  
&  
co  
fa





DE APOSTASIA  
A RELIGIONE  
QVÆSTIO.



Trum. N. Regularis Pro-  
fessus, Habitum suæ Re-  
ligionis retinens, sit cen-  
sendus vere Apostata, vel  
Fugitiuus, ex eo, quod  
annis aliquot sine licen-  
tia sui superioris mansit (viuendo tamen  
religiosè) extra septa Monasterij, sciente  
& vidente, imò permittente, seu tacente  
eodem superiore, coram quo, & cum quo  
sæpe ille gradiebatur, loquebatur, & con-  
uersa-

A

uersa-



uersabatur; nec ad Monasterium, ( vt cupiebat & petebat ) recipiebatur cum alijs de familia, promptus tamen ad nutum superioris parere, nec non ad illud remeare.

1.

Intentio  
Authoris

In hac Quæstione decidēda protestor, nolle me Causam agere alicuius spontanei, veri, formalisq; Apostatæ, vbi crimen intellexero veræ Apostasiæ; quam odio semper habui, oderoq; semper, ( adiuuante Deo ) verum de ea tantummodo me discursurum affirmo, quæ in præsentī Titulo aperitur, mox ex subijciendis declaranda: quam, velim Lectorem benignum, eo animo cordato amplexurum; quo eandem Author promittit; in veritatem namq; ita adfretus est, vt non modo eam, scien- ter deferat in scribendo, imò sequatur, ac prosequatur, promptus ad eandem tuendam, etiam si eius amicis, quin imò sibi met, eiusdem Confessioni, atq; defensionis, nocituram cognosceret.

Vt



Vt igitur in huiusmodi propositæ.  
Quæstionis decisione distincte proceda-  
mus, quinque principalia agemus. Expli-  
cabimus primo eius Titulum. Quem se-  
cundo Argumentis oppugnabimus. Ter-  
tio intentam Conclusionem insinuabi-  
mus. In cuius propugnationem. Quar-  
to Notabilia, seu Fundamenta iaciemus,  
subiectis ad clariorem intelligentiam, qui-  
busdam Propositionibus. Tandem quin-  
to, Argumenta soluemus.

Quoad primum. Circa Titulum est  
aduertendum, quod Apostasia, græcum  
vocabulum est, & latine dicitur Defectio,  
seu Rebellio, & interpretatur secundum  
Siluestrum quasi Retrostatio: secundum  
autem loquentium usum quandam im-  
portat Retrocessionem, teste eodem Sil-  
uestro. Inde & Gerson ait, Apostasia est,  
à vera Religione recessus. Alexander au-  
tem, & Hostiensis aiunt, est Apostasia re-

2.

Quæstio-  
nis sum-  
ma

3.

Titulus  
exponi-  
tur

Apostasia  
quid

a. Verbo  
Apostasia

b. ibidem

c. p. 2. de  
Reg. Mo-  
ral.

d. 2. 2. t. ra-  
t. de  
Apost.



e. apud  
Fab. eodē  
verbo  
f. 2.2. q.  
12. ar. 1.

merarius à statu fidei, obedientiæ Eccle-  
siæ, vel Religionis recessus. Secundum  
autem D. Thomam, est Apostasia Re-  
trocessio ab his, quibus homo coniungi-  
tur Deo: atq; ideo secundum eum, tot  
contingit Apostasia modis, quot quis à  
Deo recedit, vt etiam Gregorius de Va-  
lencia notauit.

g. tom. 3.  
disp. p.  
quæst. 12.  
p. p.

4. Coniungitur autem quis Deo quadru-  
pliciter ac proinde ab eodem Deo quadru-  
pliciter potest quis retrocedere.

Quot quis  
modis  
Deo con-  
iungitur  
& ab eo  
recedit.

Primo quidem per Fidem, quæ est  
fundamentum salutis.

Secundo per Obedientiam Præcepto-  
rum ipsius.

Tertio per statum Clericalem.

Quarto per statum approbatæ Religi-  
onis.

5. Apostasia priori modo sumpta, est in  
Intellectu, & ad infidelitatem spectat: :  
sumpta vero reliquis tribus posterioribus  
modis



*De Apostasia à Religione*

modis; peccatum est in voluntate. Do-  
ctores communiter. De qua sit futurus  
sermo, dicetur.

Nomine Fugitiui intelligitur proprie 6.  
is, qui per se exiuit, & stetit extra Mona- Fugitiuus  
quis dici-  
tur.  
sterium, sese celans Abbati, hoc est Præ-  
lato, siue superiori Monasterij vt docet Io:  
And. communiter receptus, quem refert, h. verb.  
Apost. n.  
& sequitur Siluester, etiamsi postea du- 9.  
ctus pænitentia recedat ad superiorem, vt  
exponit N. Ædil. i. edi. l. si  
quis Fug.

Ly verè hic sumitur, prout opponitur 7.  
Ly præsumptiuè, seu interpretatiuè. Et  
nomine expressæ licentiæ, intelligitur fa-  
cultas, seu licentia obtenta scriptis, vel  
voce.

Per Ly Regularis Professus, intelligi-  
tur is, qui legitimè, & solemniter, vel e-  
tiam tacitè, emisit Professionem Regula-  
rem. Et Ly Professus, hic apponitur ad  
Differentiam Nouitij in probatione positi,



cui non conuenit Apostasia, etiamsi à Monasterio recedat sine licentia, vt Notauit Siluester loco mox præcitato.

8. Per septa Monasterij, intelligimus, Claustrum Religiosorum, seu Conuentum, in quo Religiosi regulariter, socialiter, & conuentualiter de familia commorantur, ex deputatione facta per eorundem superiores Regulares.

Per Ly viuendo Religiose, excluditur viuendo Laicaliter, vel sæculariter, vel etiam inobedienter.

9. Per Ly sciente, & tacente, excluditur iniuria superioris: scienti namq; , & consentienti, seu tacenti, & tacere non debenti, nulla fit iniuria. Regula. Dixi, seu Tacenti, si quidem Taciturnitas, reputatur sæpe pro consensu, vt habet Glosa extra de Infan. & Lang. expo. & est textus clarus cum Glosa in can. si prouincia dist. 63. ibi. Si litteris Conuentus tacuerit, & dissi-

k. 27. de  
reg. iur.  
in 6.

l. c. p. si à  
patre.



diffimulauerit etc: & apertior ex tex. cum eadem Glossa in can. si seruus sciente dist. 54. ad idem facit quam appositè tex. & Glos. in c. 2. continebatur de his quæ fiunt à Prælato sine consensu Capituli.

Per Ly vidente, excluditur suspitio, & ratio fugæ; quæ occultationem importat, vt dictum est. 10.

Per Ly permittente, intelligitur is, qui estò non consentiat apertè, potest tamen cohibere, & impedire, neq; cohibet, nec impedit, secundum Gersonem. m. lect. s. de vita spirit. animæ.

Per Ly promptus, detegitur ipsius. N. II. spontaneus, paratusq; animus ad obediendum superioribus, ad Monasterium vocantibus, & recipientibus, ac si de eorum esset numero, de quibus Apostolus: scio enim promptum animum vestrum, scilicet ad parendum Deo, & maioribus ( vt exponit Petrus Bercherius ) pro quo devobis glori- n. 2. cor. 9.

Reli-



12. Reliqui Termini expositione nō egēt. Titulus est propositæ quæstionis de sola Apostasia, seu de Apostata solummodo à Religione intelligitur. supponendo videlicet istum Regularem Professum Deo fidem seruare; Præceptis eiusdem obedire, & à statu Clericali, quem habet, non deuiare. licet extra septa Monasterij commorantem, & conuersantem, ad modum prænotatum in Titulo Quæstionis.

13. Quo ad secundum. ad partem affirmatiuam, arguitur.

Argumen-  
ta oppu-  
gnantia.

Primo. Religiosus Professus absq; licentia sui superioris, exiens à Monasterio, manensq; diu extra illud, dicitur à Religione Apostata, sed iste. N. extat, vt habet Titulus Quæstionis, Religiosus Professus, siue expresse, siue tacite, & exiuit extra Monasterium, absq; superioris licentia, mansitq; aliquot annis. Ergo fuit Apostata à Religione. Dico fuit, quia nunc perhibetur



*De Apostasia à Religione*

9

tur in Monasterio Religionis suæ manere.

Secundo, confirmatur ex Innocentio, 14.  
quia inquit, si recedens à suo Monasterio  
fine licentia sui superioris vult vitare Apo-  
stasiam, oportet vt aliud ingrediatur Mo-  
nasterium, seq; alterius superioris obedi-  
entia subiciat, alioquin verus fit Apostata,  
& de hoc not. c. ex parte de tempore,  
ordin. & in c. Ioan. de Regular. Consen-  
tit Armilla verbo Apostasia num: 11. Sil.  
num. 9. Tabien. num. 14. & alij. Sed iste,  
& recessit à suæ Religionis Monasterio,  
nec alterius obedientia se obiecit. Ergo  
fuit verè & proprie Apostata.

O. cap. de  
Renunc.  
& in cap.  
Intellex.  
de atar. &  
qual.

Tertio quia sacrum Conc. Trident. 15.  
Sess. prohibendo statuit, ne quis Regula-  
ris à suo Conuentu recedat, pretextu eti-  
am superiores suos accedendi, nisi ab eis  
missus, vel fuisset vocatus: & secus fecis-  
se repertus, statuit puniri, tanquam sui-  
desertor Instituti etc: Igitur videtur iste.

p. 25. c. 42

B

N.



N. suæ fuisse Religionis Desertor. id est Apostata.

16. Quarto, Omnium etenim Regulares Ordines, suos Religiosos Professos habent, ac reputant Apostatas, si absq; legitima, obtenta licentia à suis superioribus, recesserint ab ordine, vel à Prouincia, vel à Conuentu; Iste igitur Religiosus Professus, videtur inter Apostatas verè connumerandus, præsertim si fuerit ex ordine. Eremitarum S. P. Augustini, cuius Constitutiones strictissimè prohibent, etiam sub pæna latæ Excommunicationis, eiusmodi abscessus, & vagandi modos.

9. par. 6.  
C. 14.

17. Quoad Tertium, pro parte tamen negante facit, quod ratio veræ Apostatæ à Religione exigit, vt Religiosus Professus, Habitum suæ Religionis temerè relinquat, aut si tenuerit, & cum eo incesserit, ab ea tamen recedat animo deliberato non reuertendi, immo retrocedendi à Religionem,



one, quia professus est quod quidem Iste N. vt habet Titulus Quæstionis haud fecisse videtur.

Quoad Quartum, Pro difficultatis intelligentia, & Argumentorum solutione, multa sunt notanda.

18.

Conclusi-  
onis Fun-  
da. septē.

Primo. quod Apostata, Fugitiuus, & eiectus à Religione sic inter se distinguuntur, vt scilicet Eiectus ab ea, recedat compellus à superioribus, ob aliquam, non parui momenti causam, cuius est, si Professi nolint corrigi, nec emendari, aut si crimen commiserint, causa cuius Religio laboret infamia: aut impedimentum habuerint, cum quo tanquam Essentiali, valdeq; graui in ea Religione non fuissent admissi, si illud detexissent. Qua de re paulo plenius Leon. Lessius. Siluester autem vbi supra ait; Eiectus à Religione is dicitur, qui à suo superiore, forte sua culpa exigente fuit eiectus. Fugitiuus autem, &

r. de inst.  
& iur. Li.  
bro. 2. c. 4.  
dub. 14.  
s. num. 9.  
in. fin.  
eiectus  
quis dicitur.



Apostata, sua recedunt voluntate. Ille quidem vt sit extra potestatem superioris, & ad tempus euagetur, habens interea animum redeundi: Hic verò, vt deferat suum statum. Atq; ita sacri intelligunt Canones, nec non Doctores Caiet. Armil. Pisana. Greg. de Valent. Reginal. Panor. Sil. Tab. & omnium antesignanus D. Thomas Aquinas, locis infracitandis quando de Apostatis, Fugitiuis, atq; Eiectis loquuntur.

19.

Secundo adnot. Haud dubium esse, quin Fugitiuus, & Apostata maneant obligati ad omnia, quæ Religionis sunt, peccareq; non minus, quam si in Monasterio forent, dum transgrediuntur, cum non debeant ex propria nequitia reportare commodum: supponimus enim ex sola eorum praua voluntate pendere, vt in Monasterio non sint, propterea per impossibilitatem excusari. Quæ tamen si contingeret

ex



ex eo, quia Conuentus, aut Prouincia, vel Religio nollet eos retinere iudicandum esset de ipsis, tanquam de Eiectis eo modo, quo paulo post dicitur. Hæc formaliter ex Reginaldo haufimus.

t. tom. 18.  
Cap. 29.  
num. 16.

Tertio adnot. Regularem Professum ejici à Religione; duobus modis posse contingere. vel ad tempus, vt scilicet se emendat, vel in perpetuum per publicam sententiam Iudicum ad id destinatum, prout ex Nauarro habet Azorius; & quidem priori modo teneri Eiectum per emendationem, se denuo reddere habilem vt recipiatur; nec excusari, quin emendatus debeat se Religioni offerre, quantumuis ab ea non reuocetur, qui nolens, excommunicari præcipitur; Et est ratio, quoniam ex vi votorum, & Professionis suæ tenetur vsq; ad mortem in sua manere Religione: vnde vocatus, redire tenetur ad implendum, quod Deo promisit. Interim

v. Lib. 2.  
c. 16. qu. 6.

x. de Reg.  
num. 23. in  
fin. C.



7. quæst.  
5. & 6.

tamen dum non reuocatur, nec recipitur, tuta conscientia extra Religionem, à qua eiectus, manere potest, vt sententiam sustineat, & pœnam ei datam luat. ex eodem Azorio vbi supra.

21.

Quarto adnot. Eiectum à Religione siue ad tempus, siue in perpetuum, teneri ad obseruantiam Castitatis professæ, perinde ac ante eiectionem. Quantum autem ad votum Paupertatis, ita Eiectum teneri, vt non prohibeatur eorum, quæ acquisiuerit administrationem habere, tum ad vitæ necessaria, cum ad alias pias causas: eo enim ipso quod ejicitur, fit ei talis facultas prouidendi scilicet corpori, animæq; necessaria. Reginald: Ab Obseruatione autem Obedientiæ professæ, eundem

2. vbi sup.  
num. 420.

22.

excusare consequens est, ex eo quia Religio, in qua Professus est, ipsum ejiciendo, vel retinere abnuendo, omnem de eo curam abjiciat, habendo eum pro non suo.

Quo



Quo fit vt extra, non intendat ei quicquam præcipere, aut prohibere tanquam suo: obedientiæ autem locus non datur, vbi non est, qui illam imponat: quia tali Actioni deficit materia per defectum superioris, illam suppeditantis. Inde sufficit eiecto, vt instar cæterorum Clericorum Episcopo obtemperet, in cuius Diæcesi habuerit habitationis domicilium.

Addit tamen Reginaldus, vbi supra, 23. & bene, quod is, quia per eiectionem non definit esse vere, & proprie Religiosus, etiam si nullius sit Religionis (perinde ac Episcopus ab Episcopatu suo eiectus, non definit esse Episcopus, quantūvis sit absq; Episcopatu) debet ex vi voti, quo manet adstrictus, paratus esse ad obediendum, si contigerit ipsum restitui in pristinum statum, & in potestatem superiorum, quibus promisit obedientiam, vt Notabil. 30. est quoq; prædictum.

aa. num.  
416.

Quin.



24.

Quinto adnot. Eiectū verè, ac propriè à Religione siue ad tempus, siue perpetuo, intelligi simul & semel priuatum Habitu Religionis ex qua ejicitur: vnde illo nec tenetur, neq; vti potest: neq; vero alterius Religionis Habitu, nisi receptus, ad eam transiuerit. Teneri tamen vti Habitu Clericali suæ Conditioni competente.

bb. in cō.  
2. de Reg.  
Num. 36.

vt post. Nauar. Azorius Lib. 12. p. par. Moral. instit. Cap. 14. 9. 15. Leonard. Sess. de Iust. & Iur. lib. 2. c. 41. n. 11. 2.

25.

cc. 22. 9. 12.  
ar. p.  
dd. tom. 3.  
disp. p.  
quæst. 12.  
p. p.

Sexto adnot. cum Caiet. quem sequitur Greg. de Valentia. <sup>dd.</sup> Quod ad hoc, vt Religiosus, à sua recedens Religione absque licentia, retinens tamen Habitum, sit verus Apostata, debet habere animum excutiendi à se obedientiæ iugum; neq; excusari ab Apostasia retinendo Habitum: si autem habeat animum manendi in suo statu, & reuertendi, Fugitiuum, ac Vagum dici, non Apostatam. Quam doctrinam

Caiet.



Caietanus mutuassee videtur à Siluestro v-  
bi supra concludit dicens. Igitur collige  
quod Apostata à Religione est Religiosus  
Professus, sine licentia exiens à Monaste-  
rio, cum intentione non reintrandi illud,  
vel aliud, sed viuendi irreligiosè; puta cle-  
ricaliter, vellaicaliter, vel inobedienter.

ce. q. 14.  
num. 9.  
verb. A-  
post.

Et addit Sil: ibidem. Vnde si egredi-  
atur, & intret Monasterium laxius, non est  
propriè Apostata, secundum Glos. imò  
secundum aliquos addit idem Sil. nec Fu-  
gitiuus. quod colligo (ait) si licitè intret  
id est cum aliqua licentia: vel si intret Mo-  
nasterium eiusdem Religionis, licet non  
eiusdem rigoris, quorum vtrumq; subfit  
eidem simpliciter. Hæc ille.

26.

ff. in c.  
fin. de A-  
post. & in  
c. ex par-  
te.

Septimo adnot. Eiectos & Fugitiuos  
reuerti volentes, præsertim emendatos, o-  
mnino à Religione, eiusq; Prælati esse ad-  
mittendos: sic D. Ant. de But. Imò ad hoc  
Prælatos compelli. extra. de Regul. Ne

27.



gg. vbi  
sup. q. 5.  
n. t.  
hh. vbi  
sup. n. 14.

Religiosi Armill. vbi sup. n. 14. Imò Monasteria, etiam si Ordo repugnet, arctari posse ad præstanda alimenta Fugitiuis, & Eiectis, vbi voluerint ad ea reuerti. Ita & recte decernit Sil. & Armill. quin imò Apostatas, Fugitiuos, atq; Eiectos, à Prælato Abbate, seu Prouinciali, etiam & Conuentuali quolibet requirendos, & ad Claustra reducendos esse, salua Ordinis disciplina, apertè statuit Papa Greg. Nonus.

ii. d. cap.  
Ne Reli-  
giosi de  
Reg.

Alioquin si redire volentem, recipere renuerint, imò (secundum Arch: si eum reuocare neglexerint) & ipse manens in sæculo bona acquisiuerit, & non receptus nihil Abbas de bonis eius petere potest; neq; Prælatus quisquam Regularis, quia impiè monacho, seu Professo suo alimenta negauit.

29. Ista autem requisitio in d. c. Ne Religiosi. mandatur fieri annuatim tempore Capituli. Ita etiam egregiè notat Sil. dicto loco



loco n. 10. Hic autem innuo legendam esse quandam Definitionem contentam in Constitutionibus Augustinianorum ubi habetur. Definimus quod nullus Officialis nostri Ordinis aliquem licentiatum ab Ordine, ulterius ad Ordinem ipsum recipiat, quod si fecerit, receptio, talis sit nulla: quam Definitionem Pater noster Generalis obseruet, & faciat ab alijs obseruari hæc ibi. Quæ definitio certe non tenet, neq; est obseruanda ab illius Ordinis Professoribus, quum clarè videatur contra Canon. statutum d. cap. Ne Religiosi, de Regul. sed & nunc quoad Regulares Apostatas, & in corrigibiles, Eiectos, eijciendos, & recipiendos, videnda & obseruanda sunt Decreta sacre Cong. Concilij, SS. D. N. Urbani Papæ Octauij, iussu edita.

kk. p. 6.  
c. 22.

11. 21. Sep.  
1624.

Hiscè prænotatis subiiciuntur sequentes Propositiones.

Prima est, extra septa Monasterij ma-

C 2

nen-

30.



nendo, non fuit Fugitiuus. Primo probatur, quia ad hoc vt Regularis Professus dicatur Fugitiuus, non solum exigitur, vt extra Monasterij septa, seu Claustra maneat, sed vt se se celet, & occultet Prælato, vt patet ex dictis. At vero N. non se celauit, neq; occultauit suæ Prælatis Religionis, immo cum ipsis sæpius gradiebatur, conuersabatur, colloquebatur, ac reficiebatur, vt in Titulo Quæstionis. Ergo etc:

31.

Secundo. quia Regularis non præsumitur in Iure Fugitiuus, si à Prælatis suæ Religionis intra Claustra Monasterij cum cæteris subiectus non receptus, nec retentus, maneat extra illa: deducitur ista maior ex dictis in secundo Notabili Num. 19. cum enim corpus habeat, alicubi esse debet: at vero iste N. à Prælatis suæ Religionis tunc non detinebatur, neq; intra Religionis Claustra recipiebatur, vt ex eodem Quæstionis Titulo patet: Ergo etc:

Ter-



Tertio Fugitiuus is dicitur, qui per se, seu ex se, hoc est ex propria voluntate exiuit, stetitq; extra Monasterium: Sed iste N. exiuit extra Monasterium, atq; stetit tanto tempore sui potius superioris voluntate, (vt non dixerim frigida charitate seu melius iniquitate) nolentis ipsum cum alijs in aliquo Monasterij loco competente excipere, & retinere quatenus in Titulo Ergo ect:

Secunda Propositio. Antedictus N. Regularis Professus, non fuit vere Apostata; probatur.

Ille Regularis Professus dicitur vere, Apostata, qui ex propria voluntate à Religione sua recedit, animo deferendi suum statum regularem, & abijciendi à se iugum obedientiæ. patet ex dictis de mente Caiet. & aliorum in primo & sexto Not. Sed iste N. neq; ex sui voluntate ab ea recessit, neq; animum habuit mutandi sta-



tum, & Obedientiæ iugum abijciendi, quin imò cuperet, peteretq; cum alijs in Monasterio de familia recipi, essetq; nutui superioris obedire paratus: omnia ex Titulo Ergo etc:

34- Sed Regularis Prælatus, coram quo i-  
 Obiectio, ste N. & egressus, & collocutus, & con-  
 uersatus perhibetur, obijciat. Esto quod iste Regularis Professus N. sit alterius Conuentus, & Prouinciæ filius, eiusdem tamen Religionis, sub vno, atq; eodem Generali: accessit autem ad meum Conuentum, seu Prouinciam, vbi vel non fuit in suo primo accessu receptus, vel fuit primo receptus, & inde à Prælato huius meæ Prouinciæ licentiatus, vt ad suum Conuentum, aut saltem ad suam Prouinciam regrederetur, atq; adeo illuc minime regressus nec in aliquo Conuentu meæ Prouinciæ acceptatus, censendus est verè Apostata, cum sine licentia superioris extra septa Monasterij manserit. Gran-



Grandis sane Obiectio: Cui primo re- 35.  
spondeo, minime conijci ex Titulo Quæ- Respon-  
stionis, istum N. ex aliena fuisse Prouin- sio.  
cia, sed (secundo) si à sua in tuam (o bo-  
ne Prælate) fuisset profectus Prouinciam,  
absq; sui Prouincialis, vel Generalis licen-  
tia, fuisset quippe puniendus, tanquam  
Apostata sui Desertor instituti, ex Dec.  
Sac. Con. Trid. superius citato Num. 15.  
Quod si is foret ex Ordine Augustiniano  
censeretur præterea excommunicatus,  
iuxta supradicta Num. 16. Tertio dico, 36.  
supponendo, vt mihi liquido constat, di-  
scessisse istum N. ex sua in alienam Pro-  
uinciam, obtenta à Prælato Prouinciæ  
suæ licentia; tunc claret, neq; fuisse Ele-  
ctum, neq; Fugitiuum, neq; Apostatam,  
siue fuerit ille in ista obijcientis Prælati  
Prouincia receptus, siue non: legitima  
namq; superioris licentia declarat, non  
esse eum habendum, nec Apostatam, neq;  
Fugi-



Fugitium, vt apud intelligentes quosq; est notum, sed neq; Eiectum: si quidem Eiectum non comitatur prioris licentia. Prælati (qua vt Eiectus non indiget, quem non amplius Prælatus suum subditum agnoscit) sed repulsa, seu reiectio.

37. Quin etiam si ab initio accessisset sine licentia, non esset censendus Apostata, iuxta doctrinam præallegatam Not. 6. no. 26. quia videlicet accessit ad Prouinciam, seu Monasterium eiusdem Religionis, subiectum eidem Generali (saltem mediato) patet ex doctrina Siluestri Not. 6. allata, quam Religio Augustiniana non admittit const. no. 15.

38. Porro. si à tempore licentiationis (sic dictæ) ei factæ, à dicto Prælato, obijciente mansit ille extra superioris obedientiam, dico id per se non fecisse, neq; ex sua intentione, seu inobedientia; sed per Accidens ex defectu superioris ei non præcipien-



piensis; vt fuit notatum supra Nu. 22. atq;  
ideo non fuisse Fugitiuum, neq; Apostatā.

Si postea dimissus, siue fuerit à Præla- 39.  
to obijciente licentiatum, dicendum est, ab  
eo male fuisse licentiatum, (si de Augusti-  
nians loquamur, apud quos, Diffinitorij  
interest tantum licentiare, de expulsiōe  
ab Habitu propriè loquendo, siue Reue-  
rendiss. Generalis Ordinis, ad quem spe-  
ctat de Prouincia in Prouinciam licentia-  
re fratres, non Prouincialis cuiusq; Const.<sup>mm. p. 3.  
c. 4.</sup>  
Itaque si Prouincialis istum N. dimissis-  
set à sua, quam regit Prouincia, excessis-  
set ne suæ Authoritatis limites! plura hic  
reticeo.

Et quamuis quis dixerit istum N. non 40.  
regrediendo in suam Prouinciam, iuxta  
obijcientis Prælati licentiationem, alicui-  
us culpæ se præbuisse reum; Dico, esto  
forſan istud posset admitti, negando ta-  
men absolutè culpam incidisse Apostasiæ,

D

vel



vel Fugæ non regrediendo.

41. Dixi. *Forſan* quoniam à regreſſione prædicta, plures rationales Cauſæ, potuerint illam excuſaſſe: veluti concepta contra Prælati dimittentis authoritatem exiſtimatio, quippe quem cerneret ſibi iubere id, quod apud Auguſtinianos, nullus præter Generalem eorum poteſt iubere. Conſt. vbi ſup. vel longi via itineris; viarum pericula, ob earum graſſatores, timor hoſtium catholici nominis: bellorum, bellantiumq; furor; Peſtis; propriæ conditionis gradus; Infirmitas; Matura ætas; fortunarum defectus; & huiuſmodi alia plura, quorum vnumquodq; ſatis ab omni inobedientiæ, ac noxæ labe, eum alias præſtitiffet immunem.

Cauſa enim ſemper attendenda eſt, propter quam aliquid ſit aut commiſſum, aut omiſſum; Tempus quoq; de Tranſac. c. ult. & 5. 9. 5. non omnis, de accuſat. cap.



18. iuncta Glos. item 23. 9. 8. accidit, & H. defurt. verum ita Glos. in d. cap. 18. de accus.

Sed quid dicendum si nulla prorsus 42.  
causa excusasset! Dicendum, minime Fugitium fuisse manendo (non exceptum in Monasterio) extra septa prædicto modo; quia non clàm Prælati sic manebat, imò neq; Apostatam retinendo Religionis habitum, recipi cupiendo, & petendo, atq; parere paratum.

Quin imò asserendum, Prælatum e- 43.  
undem, hunc N. non recipientem, quem sic extra Claustra viuere nouerat, viderat, permiserat, consenserat, (tacendo) & ad secum gradiendum, conuersandum, comedendum admiserat, grauissimè peccasse, nec non sui Præsulatus dignitati magnam irrogasse iniuriæ notam (vt infra clarius.) Tenebatur enim, ex muneris sui debito, vel recipere, vel carceri mancipare (redire nolentem) vel aliter cogere; aut



certe summum Religionis Præfectū, quid circa eundem N. agendum esset, consulere, (nisi tantæ authoritatis ipse fuisset, ut valeret ad Prouinciā suā, etiam inuitum remittere) si autem fecerit, non excusari, cum non perfecerit.

44.

Item, ille Regularis Professus, censendus è Apostata, qui absq; licentia sui superioris, viuit extra Claustra irreligiose, atq; laicaliter, iuxta prænotata Not. 6. Num. 25. in fine. Sed iste N. quamuis dicto tempore absq; licentia sui superioris extra Claustra vixerit, non tamen irreligiose, nec laicaliter, ut supponitur: & præterea videtur ex eo probari, quod vixit, ferens coram Prælato sui Ordinis, Religionis suæ habitum, nec non coram confratribus, ad quos recipi cupiebat, ac petebat, superioris nutui pariturus, ut sup. Ergo etc:

45.

Obijciēt forsan quis denuo: Ille videtur Apostata Religionis, qui in ea non manet,



net, nec perseverat iuxta emissā, in facta Professione vota. (Per vota, & professionem obligatur Religiosus ad manendum, ac perseverandum in Religione, à qua si retrocesserit, iam fit Apostata; etenim Apostata idem est, ac Desertor Religionis, seu Retrocessor ab ea, ut dictum in exposcit. Tit. Num. 13.) & præterea probatur, quoniam vota in Religione fiunt approbata, ut ipsis emissis, Religiosus obligetur Ordini, in quo emittuntur, ut tangit Leonard. sess loco præcitato dubit. 14. Num. II. Sed iste N. non mansit, nec perseveravit in Ordine, in quo vota emisit, eo saltem tempore, quo extra Claustra est dimoratus. Ergo etc:

Respondeo, quod per votorum, Professionisq; emissionem in Religione per  
superiorem acceptatam, obligatur quidem  
Religiosus ad manendum, ac perseveran-  
dum in Religione; verum vicissim Reli-

46.



gio obligatur ad eum retinendum, & tractandum tanquam filium: Vtrumq; tamen cum conditione tacita; nempe Religio obligatur ad eum retinendum, quousq; se illi non reddat noxium, Religiosus autem obligatur Religioni ad manendum in ea, ubi eum retinere voluerit; si vero eum Ordo renuerit retinere, & alere, iam ille soluitur ab obligatione manendi, ac perseverandi in ea. Deduco hanc doctrinam ex Reginal. ubi sup. Not. quam ipse profert ex Leonard. Sess. loco mox citato, ex qua præclarè soluitur præinducta Obiectio.

Vt autem dilucidius innotescat præpositæ initio Quæstionis præmonstrata, veritas; subiijciendæ sunt ad præsens quædam Quæstiunculæ, ex quarum solutione, patebit.

47.

Quæstio Prima. Quæret quispiam, nec immeritò, inquiring: Si iste N. neq; Fugitiuus fuit, neq; Apostata, vt validè,

pro-



probatum est, cum nihilominus non man-  
ferit dicto tempore intra Claustra, fuit ne-  
tunc ex eorum Numero, quos vocant Eie-  
ctos, seu Expulsos à Religione!

Respondeo, non potuisse dici propriè 48.  
Eiectum; quoniam à Religione Eiecti, ,  
deserunt Religionis Habitum, à qua sunt  
eiecti, nec alterius Religionis ferre pos-  
sunt, nisi in illam per eius Habitus susce-  
ptionem ingrediantur, vt constat ex præ-  
notatis, No. 24. De qua re extat specialis  
ordinatio in Const. Augustinianorum,  
par. 6. cap. 22. Sed iste N. toto tempore di-  
cto, atq; semper suæ Religionis Habitum  
gestauit, vt ex Tit. Quæst patet, & conse-  
quenter aliam non est ingressus Religio-  
nem. Ergo propriè Eiectus dici nequit.

Præterea. Eiectus à Religione is pro- 49.  
prie dicitur, qui per Iudicum sententiam,  
ad id deputatorum eiicitur, iuxta superal-  
legata No. 26. Sed nullius sententia Iudicis  
fuit



fuit iste à sua Religione deiectus. Ergo etc:

50.

Quæstio secunda. Quis iterum quæret, quo ergo nomine iste N. tunc erat appellandus, qui nec Fugitiuus, nec Apostata, neq; Eiectus dici debuerat!

Respondendum censeo; appellandum vere fuisse, atq; habendum, sicuti quemq; alium eiusdem Ordinis Religiosum, confratrem, ac filium, (fortè aptius) veluti expositū, ac Derelictū à Parentibus, nempe à Religione Matre, & à Patre Prælato.

51.

Probo responsionem, quoad vtrumq; membrum.

Primo quoad primam partem. Religiosus Professus, dicitur eiusdem Religionis filius, in qua est Professus, secundum omnes Doctores, Iste autem N. erat in sua Religione Professus, vt narrat Tit. Quæst. Ergo etc:

52.

Item secundo. Professus semper est habendus suæ Religionis verè filius, donec



nec ab ea per sententiam Iudicis iuridicè  
ex suo demerito dimittatur, seu abijcia-  
tur, etiamsi ab ea Fugitiuus, Apostataue  
sit: qua dimissione secuta desinit ille sui  
esse Ordinis membrum, cum desinat ei  
esse subiectus. Nauar. Vbi sub N. 24. Pro-  
pterea Prælati præcipitur, vt suæ Religi-  
onis Apostatas, ac Fugitiuos Professos  
querant, & ad ouile Religionis reducant,  
quia sunt adhuc eiusdem Religionis filij,  
prorsus ad omnia ei obligati, quæ suæ sunt  
Religionis; peccantq; eorum transgressi-  
one, non minus, quam si in suo essent Mo-  
nasterio, vt sup. dictum est Not. 2. No. 19. ob  
eam scilicet rationē quod re ipsa adhuc ex-  
tant suæ Religionis filij: neq; enim iubetur  
superioribus, alienos querere, sed Fugiti-  
uos, Apostatasq; suos, de Ordine suo: vt  
claris verbis habetur in Decretali supraci-  
tati Cap. Ne Religiosi. Not. 5. No. 26. sta-  
tuimus de Regum. Sed iste N. à sua Reli-

E

gio.



gione non fuit per sententiam eiectus, vt anteprobatum. Ergo etc:

53. Obijcitur. Quoniam Filius maxime nō emancipatus, sub obedientia manet parentum. Iste autem N. dicto tempore sub obedientia non mansit Parentum, nempe Religionis, eiusq; Prælatorum, nec verè fuit emancipatus. Ergo non videtur reputandus suæ Religionis filius, eo saltim tempore, quo extra mansit.

54. Respondeo primo. Reputari, & vere parentum suorum illos filios esse ac dici, qui procacitèr contemnunt parentum parere mandatis, imò eosdem contumelijs, ac verberibus afficiunt, vt interdum experiuntur Genitores.

Respondeo secundo. Satis esse, filium paratum esse Patri parere, cum quid ei præceperit, vt filius dicatur; sed iste N. si dicto tempore, quo non fuit in Monasterio receptus, non paruit, hoc utiq; ex defectu



fectu parentis euenit, minime eidem præcipientis, imò recusantis, eum pro filio agnoscere. Ergo non proli, sed parenti imputandum.

Deinde probo quoad secundam partem præmissæ responsionis Num. 50. si quidem Ordo, cùm suum Religiosum Professum recusat retinere, de eo in conscientia, & in iudicio iudicari debet, vt de Relicto; sic tradit Leonard. Sess. præcitato No. quem sequitur Reginald. vbi sup. n. Adde, & de illo iudicari posse, veluti de filio exposito; quippe parens Religio, seu Prælatus protunc alimenta impiè negauit, domicilium, tectum; & ad mundi pericula (obnoxia Religioso viro) ad libertatemq; viuendi exposuit: quem enim recusat Ordo retinere, hunc liberæ viuendi voluntati, videtur restituere. Ita Reginal. Nauar. quamobrè, huic illud psal. 26. competerat. Pater meus, & mater mea, dere-



liquerunt me etc :

56. Quæstio Tertia, vtrum iste N. sic extra Clastra manens, fuerit ob ideo tempore in statu peccati.

Respondeo Negatiuè. Quanquam enim Fugitiuus, & Apostata, qui voluntariè manent extra Claustra, donec sic manserint, sint in statu peccati mortalis; quo tempore licet ad confessionem venientes possint admitti, vt salubribus monitis adiuuentur, iuxta cap. quod quidem de Pæn. & Remis. non tamen sunt Sacramentaliter absoluedi, cum pro verè pænitentibus non habeantur vt notat Reginald. loco citato N. 416. quam diu non se submittant correctioni superiorum, ad quos remittendi.

57. De Relictis vero, de quorum numero, istum N. puto fore censendum, vt sup. probatum est, quem sua Religio, aut potius Prælatus minus pius noluit retinere, de



de ipsis iudicandum est, proinde atq; de Eiectis.

Porro Eiecti ad tempus, non peccant, 58.  
si recipi petant, & parere spondeant mandatis, curantes interea illa in se ipsis emendare, propter quæ fuere expulsi. At in perpetuum Eiecti, non tenentur se offerre ad redeundum, licet redire teneantur reuocati, vt sup. Not. 7. atq; consequenter deducitur, istum N. extra Claustra manendo, ob id non peccasse, tum quia inuitus fuit à Religione dimissus; cum quia cuperat, & petierat admitti, promptus ad obediendum; tandem quia, si veluti Eiectus simpliciter, & in perpetuum reputandus extitisset, sat ei erat ad euitandum tale peccatum, esse paratum redire, vocatum.

Quæstio Quarta. An iste N. ob talem 59.  
extra Claustra mansionem, inciderit in aliquam Censuram?

Respondeo Negatiuè. De Iure enim



communi Apostata, & Fugitiuus à Religione duntaxat Excommunicationem incurrunt, si Habitum dimiserint; Extr. Ne Clerici, vel Monachi, Cap. vt periculosa. in 6. Nec vero hoc tantum sufficit secundum Caiet. & Greg. de Valent. vbi sup. & secundum Raynerium, quem citat, & sequitur Sil. & Tabie. Verbo Apostasia, ille no. 4. hic no. 1. & Armill. n. 6. nisi animum ostendat non redeundi, atq; adeò ex sola, simplici; Habitus dimissione, non incurrat excommunicationem d. cap. vt periculosa. Hæc autem verba Raynerij, à Siluestro ibidem relata. Non debet Professus iudicari Apostata, seu Fugitiuus, etiamsi ad longinquum diu vagaretur, nisi postquam sic viuit, quod animum redeundi se deposuisse ostendit. H. de re mil. l. Desertorem. 9. emanfor. hæc ille. id ipsum & Armilla & Taba. Et subdit ibi Siluester. Igitur collige, quod Apostata à Religione, est



est Religionis Professus, sine licentia exiens, à Monasterio, cum intentione, non reintrandi illud, vel aliud, sed viuendi irreligiosè, puta clericaliter, vel laicaliter, vel inobedienter, hætenùs Sil. quæ verba sup. quoq; retulimus not. 7. Num 25.

Ex quibus clarissimè deducitur, istum N. non incurrisse d. Cap. vt periculosa. Excommunicationem: tum quia non fuit Fugitiuus, nec Apostata, ex ante probatis: tum quia non dimisit Habitum; non discessit animo non redeundi ad religionem, vnde recessit coactus, ad quam erat redire paratus, imò recipi instabat, nec in longinqua vagabatur, sed in conspectu superioris, ac confratrum sui Ordinis gradiebatur, etc: omnia ex dictis comperta sunt.

Quæstio quinta. An fuerit iste N. ob prædicta aliqua saltim pæna plectendus.

Respondeo Negatiuè. Si quidem culpam sequitur pæna. L. sancimus de pænis.

At



At in isto N. ob prædictam præcisè recessi-  
 sionem, & mansionem extra Claustra,  
 nulla præcessit culpa, vt ex dictis, ergo  
 nec sequitur pæna.

63. Dixi præcisè ob prædictam recessio-  
 nem, & mansionem extra Claustra; quia  
 forsitan in eo præcessit, aut præcessisse  
 potuit, aliqua culpæ ratio, ob quam isti-  
 us Prouinciæ fratres, seu Prælati nolue-  
 runt (irrationabiliter) in suæ Prouinciæ  
 Conuentibus illum retinere.

Dixi, nullam pænam eum subsequi:  
 Etenim si Prælatum, qui noluit ipsum in  
 Ordine retinere, & alere, pænæ ob id re-  
 um effectum fuisse, forsan verè dixerim:  
 vt ex dicendis patebit.

64. Quæstio sexta. Quare pænæ reus fue-  
 rit Prælatus antedictus effectus, prædi-  
 ctum N. non retinendo, & extra Mona-  
 sterij septa viuere, & vagari sinendo!

Respondeo. Teneri Religiosorum su-  
 perio-



periores subditos suos Religiosos conqui-  
rere, ad septa Monasterij reducere, (eos  
etiam si fuerit opus vi carceri mancipan-  
do) eis alimenta tribuere; ijs præsertim,  
qui ad reuertendum sunt parati, curare nè  
pereant, neuè vagentur, siue Apostatæ  
sint, siue Fugitiui, veletiam ad tempus e-  
iecti, vt in Decret. Ne Relig. statuimus de  
Regul; Papa Greg. Nonus mandauit, &  
notauimus sup. Not. 3. Num. 28. Quibus  
si alimenta, ac vitæ necessaria Prælatus  
Regularis suus neget, impie negare dici-  
tur ex Notatis, in eodem Not. 3. & Glos.  
iuncto tex. in C. l. si à parte de Infan. &  
lang. expo.

Vbi etiam Glos. sic ait, Abbas, siue  
superior, debet recolligere Monachum  
suum, ne damnabiliter vagetur, ne pere-  
at, & in d. C. ult. de Regul. & transl. ad  
Relig. inquit Papa, contra secus facientes  
superiores, & sanguis eorum de præfato-  
rum



rum manibus requiratur. Vbi Glos ait. Et ita Prælati tenentur de facto subdito, nisi eum correxerit, cum ibi citatis.

66. Cum igitur supradictum superiorem dimittentem, seu derelinentem, vel eijcientem de suo Conuentu, aut Prouincia antedictum N. ex prædictis constet, turpiter defecisse, & in cunctis dereliquisse, in hac sexta Quæstiuncula recensitis, profecto censeri is debet ingentis culpæ, pænæq; reus.

67. Quæstio septima. Esto, quod istius N. commoratio prædicta extra Claustra, summo innotescat nunc Religionis Prælato, aut etiam Diocesano. An Prælati huiusmodi, iure possint, ob eandem duntaxat, istum N. punire / vel etiam à Concionibus habendis, vel Confessionibus audiendis, vel ab officijs, siue cum cura, siue sine cura animarū in Religione, aut extra conferendis, & exercendis impedire, aut



ait. aut amouere; si nunc actu iste N. alicubi  
ito, similia habuerit, aut exercuerit!

Respondeo. Religionis summum Præ- 68.  
fectum, non tantum posse, sed debere,  
Prouinciæ Præfectum compellere ad reci-  
piendum statim supradictum N. cum ad-  
huc extra Claustra maneat, sub pænis, à  
iure Prælato inflictis, oues non quærenti,  
aut ex Ouili Religionis dimissas, ab eoq;  
pæ, dispersas, ad idem non reducenti. Et præ-  
terea sub pænis statutis à Regul. & Const.  
tius aduersus huiusmodi superiores, qui pie-  
tra, tatis religato munere, eiusdem Ordinis fi-  
æla- lios abijciunt ex Conuentibus, siue Pro-  
hu- uincijs, citra Religionis præscriptum; cæ-  
nta- teraq; iubere peragi erga dimissum chari-  
nci- tatis officia, quæ non minus Ordinis  
au- Const: quàm Pontificum Decreta præci-  
, si- puè Greg. Noni, vbi supra sanxerunt.

Et insuper Prælatum dimittentem,  
ire, grauitè plectere, ob talem dimissionem,  
ut



ac tolerantiam indebitam diutinæ sibi notæ à Religione eiusdem N. absentia. In quam rem plura, atq; notatu digna, forent scribenda, à quibus consultò desisto.

69. Si quis vero alius eiusdem Religionis Prælatus, hunc N. in suam excepisset Provinciâ, debet Generalis Præfectus eiusdem Ordinis, gratissimam habere acceptionem illam; recipientem laudare, maioribusq; augere officijs; quem scit à Deo digniorem recepturum mercedem, iuxta illud Math. Qui recipit Prophetam in nomine Proph. etc: Si quidem videtur is Domini officio perfunctum, qui derelicto à parentibus accurrit custodiendo.

70. De Prælato autem Diocesano, dico, quod nequit contra eorundem Regularium subditos, per censuras procedere. Verum tamen si constet Regularem incidisse in Excommunicationis sententiam, à Iure, vel à Papa latam, tunc bene potest  
Ordi-



Ordinarius, illum excommunicatum declarare, ac denūciare, vt à suis Diœcesanis euitetur. Confect. in summ. priuileg. Ord. Mendic. tit. S. cap. 2. in fine.

Cum itaq; ex præmissis constet, istum N. ob prædictam extra Claustra mansionem, nequaquam incurrisse in aliquam Censuram, neq; in aliquam pœnam in sacris Canon. latam; nullus iam potest eum Diœcesanus declarare, nec reputare Ecclesiastica Censura irretitum, vel aliqua pœna mulctandum. 71.

Grauis enim pœna nimis huic N. imò & iniuria, adiungeretur à Diœcesanis Prælati, si ob prædicta renuerent ipsum admittere ad Conciones habendas, Confessiones audiendas, & huiusmodi alia à Religiosis ex more peragenda, ad quæ ille idoneus.

Etenim nullus sapiens, probus, ac Deo gratus, locorum Ordinarius, prædictum 72.



N. admitti ad prædictas functiones petentem, vel ab alijs requisitum, & postulat, admittere recusabit, nisi velit suæ sapientiæ, ac probitatis, apud cordatos viros nomen obscurari.

73. Dicet forte Reuerendissimus Prælat. Istum N. ad prædicta munera obeunda, in mea Diœcesi non admitto, quoniam eius superior, ad præsens insinuauit, se eundem N. habere ob præmissa, pro Excommunicato, & Apostata: ad cuius rei probationem adduxit testes, Religiosos subditos suos, qui coram Nobis identidem, ac ipse, testarentur.

74. Hunc ego Prælatum obnixè rogatum velim, vt sui sapientis iudicij trutina, aduertat sequentia.

Primo quidem. Suspicio arguitur ex dilatione, seu tarditate, quando scilicet quis retardat facere, quæ debet. Grauet. Conf. i. 71. n. 7. Secundo. Assertioni Prælati



ti credi non debet, per quam collatio, seu aliquid dictum, vel factum ab ipso iustificetur. Idem in Iudice, cuius Assertioni, non creditur, per quam iustificetur eius sententia. Grauet. ibidem Soc. conf. 47. col. 3. post medium lib. 4. & habetur in cap. quoniam contra, de probat.

Tertio. Dolus, & calumnia præsumitur in eo, qui proposita, & obiecta non probat. L. non probasse. C. de Calum. plenè Not. in L. C. N. ad turpil. Soc. conf. 117. col. 4. Lib. 1. Grauet. Conf. 262. n. 7.

Quarto demum. Testes etiam Religiosi, quando deponunt contra aliquem in crimine hæresis, siue Apostasiæ, & huiusmodi, repelli debent, cum iudicant, quia excedunt officium testis. Testis enim debet discernere iuxta materiam sensuum non decernere. Bal. conf. 8. lib. 3. & conf. 324. lib. 4. Grauet. conf. 41. No. 4.

Si igitur istum N. asserat eius superior 75.  
Præ-



Prælatum, seu Iudex, verum esse Apostatam, seu Fugitium, sciat Ordinarius, non esse sibi credendum, quia rem suam iustificare intendit.

Rursus. cum hic nunc recenter ipsum N. dicat esse Apostatam, quem ut talem multo ante debuisset reuocasse, vel denunciassse, aut capi fecisse, & carceribus mancipasse; sese facit non modicè suspectum, ex tarditate, vel dilatione denunciationis in præsens factæ, vel multò post incursionem præsumptæ Apostasiæ. Et eo vel maximè, quia ubi ipsemet superior non sibi extitisse sufficiens, ad prædictum N. Apostatam reuocandum, (ut sui muneris erat) poterat Ordinarij, imò & Iudicis sæcularis implorare brachium, ut iura decernunt.

76.

Rursus. id ipsum censendū est. de præ-nominatis testibus Regularibus adductis, quorum interest tantum, quid facti acciderit,



derit, de præsumpto Apostata referre; non quid iuris decernere, seu iudicare. Reticeo hic plura ad rem etc.

Demum. quia tam prædicti testes, & 77.  
eorum superior, ea quæ Ordinario insinuant, contra prædictum N. minimè probant, sed neq; probari potest illius assertio, illorumq; attestatio: quia inquam per assertionem, rem à se molitam iustificare intendit: isti vero per attestationem decernere, non discernere. de prædicta Apostasia tentarunt: ideo probè, aduersus eosdem, & dolus præsumitur, & calumnia in præiudicium grauissimum N.

Quamobrem eorum prædicta Assertio, & attestatio reiicienda est, & nihili ab Ordinario facienda, in eius N. præiudicium. Imò ipsum N. oportet prorsus absolui. L. qui accusare. C. de eden. cum simi. maximè in criminalibus. Vbi oportet probationes luce meridiana esse clariore.



l. fin. C. de probat.

78. Verum Reuerendissimus Ordinarius forsan sibimet iniiciet scrupulum, nimirum quia idem superior, eiusq; Regulares subditi, nominarunt istum N. Apostatam, ac vti talem reputarunt: ex alia autem parte non constat de illius absolutione.

79. Dico pro amouendo scrupulo. Patere clarissimè ex præmissis, nullam prædictum N. Apostasiæ maculam incidisse,; quare apud Iurisperitum neminem, aut bonum Theologum dubium esse potest.

Præterea in re dubia, promptiores nos esse debemus ad liberationem, per Regulam fauorabiliorem H. de re iud. & tradit. Grauet. Conf. 262. n. 7. Fede. de senis Conf. 220. Ancha. Conf. 24. & alij.

80. Et Vltteriùs ex sola nominatione, non fieri quenquam hæreticum, sed ex operibus contra fidem. Grauet. Conf. 262. no. 5. ergo à pari nec Apostatam, nisi ex voluntario



tario Religionis recessu, dimisso habitu, animoq; non redeundi, iuxta præmissa. Et sicuti fieri potest, vt quis hæreticum, quempiam putet, ob aliquam causam ad hæresim non pertinentem, qui tamen non est vere hæreticus, Grauet. ibidem. Similiter, etiamsi prædicti, Superior, & Testes putent, vel putarint, ipsum N. fuisse Apostatam, non proinde infertur fuisse, vt sæpius dictum.

Ad hæc sæpissimè solent Regularium Prælati, & potissimè Augustiniani, absolutionem (ex autoritate Apostolica eis tradita) habere generalem, quâ subditos à macula Apostasiæ, si incurrerint absoluant, simulq; restituunt Sanctis Sacramentis Ecclesiæ, & communioni fidelium, si (inquiunt) necesse est: imò & dispensant super irregularitate, dicentes, Eadem auctoritate mihi concessa, in quantum possum, & debeo, dispenso vobiscum super

8r.



irregularitate, si tenemini, & restituo vos ad assecutionem & administrationem sacramentorum Ecclesiæ & ad alia etc. Hæc est forma Communis Absolutionis (iurisdictionalis; non Sacramentalis) quâ videntur ex indulto Apostolico Prælati Augustinenses.

82. Et præterea noto. quod in Capitulis Generalibus, & Prouincialibus eiusdem Ordinis S. Aug. semper similes fiunt Absolutiones. Quo circa quilibet eius Ordinis, siue Prouinciæ Professus, ad dicta accedens Capitula, non solum ex tali forma Absolutionis absoluitur à censuris, maculis, alijsq; præcensitis absq; vlllo dubio: atq; adeo si tunc aliquis ex dictis Professoribus, etiam aliàs ligatus, aut indignus assummeretur ad aliquod officium etiam cum cura animarum bene assummeretur, existens valida collatio in eum facta, sed estò quod esset adhuc indignus cum assumitur, tamen



tamen dispensaretur, si ad officia eligere-  
tur, vt tradit Glos. Extr. de his quæ fiunt à  
maiori parte Cap. in cunctis. Vbi sic in-  
quit Glos. vnde dico quod Capitulum, eli-  
gendo indignum, dispensat cum ipso; ni-  
si sit talis dispensatio, vt ei prohibita-  
quemadmodum dico in Ep. etc: & est no-  
tabilis in hac re doctrina.

Ex his ergo bene intellectis, & confi- 83.  
deratis, ac ad rem de qua agimus applica-  
tis, colliget Ordinarius, & quis alius, pri-  
mo præfatum N. indebite ac nequiter ar-  
gui, ac nominari crimine Apostasiæ. se-  
cundo supposita dubitatione, debere im-  
munem ab ea labe censeri, quem non pro-  
pria opera, sed falsa aliorum iudicia, ac  
ora diffamantium (ingenuè) ignorantium,  
malignantium, talem publicauère.  
tertio cumq; non semel idem N. potuerit  
interesse, seu re ipsa intererit sui Ord. Ab-  
solutionibus prædictis, vel quarto etiam



Capitulis Prouinciæ, vel in eis ad officia Religionis eligi; percipit docile ingenium Ordinarij, & cuiusuis alteris, illum fuisse iuridice, ac validè à censuris (si quas contraxerit) absolutum, vel secum dispensatū, & quinto tandē cum Dominus Deus nō iudicet bis in ipsum. Nauar. C. p. & 24. 9. 2. can. non afferamus. iuncta Glos. similiter nec seruus homo iudicare debet.

84. Admittat ergo Ordinarius ipsum N. (nullo habito respectu ad obiecta) ad con- ciones, Confessiones, & quæ Regulari- bus idoneis, ac probis, solent in Dioce- sibus committi.

85. Quoad Quintum. Ad Argumenta ini- tio proposita, ex dictis bene applicatis pa- tet solutio.

Argumē-  
ta opposi-  
ta soluū-  
tur.

Ad primum dico. Maiorem esse con- cedendam de eo, qui voluntariè de Mona- sterio exiuit, stetitq; extra illud: in quo sensu de isto N. negatur Minor.

Ad



Ad secundum. Negatur Maior: ad probationem dicitur, Innoc. pp. fore intelligendum de eo, qui voluntariè à Religione exijt, atq; mansit: in quo sensu Minor est falsa, cum iste N. coactè, extra Claustra manserit dimissus ac derelictus. Qui etiam si suis Præsulibus, tempore quo extra mansit, se non subiecerit, fuit tamen paratus se subicere, reuocatus, receptusq;.

86.

O h. non paruit superiori præcipienti regressum in Prouinciam vnde venerat. Respondeo primo. habuisse plures causas, superius enumeratas, impediètes regressum. secundo ob talem inobedientiam, minimè incurrisse Apostasiam. Tertio Innoc. pp. intelligi de illo duntaxat, qui dimisso Religionis Habitu, exit cum animo amplius non reuertendi: in quo sensu, negatur Absolute Minor.

87.

Ad Tertium dico. Sacrum Con. Trid. fore interpretandum de recedente ex proprio

88.



prio motu, ac voluntate: in quo sensu negatur Consequentia, vt supra dictum.

89.

Ad quartum dico similiter, apud Regulares, præsertim Augustinianos, reputari verè Apostatas, ac Excommunicatos, eos Religiosos, qui absq; licentia, suapte ingenio, recedunt à Religione, Prouincia, vel Conuentu, etiam retento habitu, nisi per totam diem naturalem redierint; secus autem, si recedant compulsi à suis superioribus, & in tali sensu interpretandæ sunt Regularium Regula, Const. Can. etiam Pontificum, Conciliorumq; Sanctiones, atq; Doctores omnes cuiuscunq; Professionis hac de re loquentes.

F I N I S.





e-  
e-  
u-  
s,  
tè  
a,  
ifi  
è-  
u-  
læ  
e-  
io-  
o.





